



PERIKSA....pegawai Imigresen ketika melakukan pemeriksaan di sebuah restoran di Labuan, pada Jumaat.



ASANI LADJANI... Pengarah Imigresen Labuan.

Jabatan Imigresen Labuan tahan enam wanita PATI

OLEH JAINUDIN DJIMIN

LABUAN : Jabatan Imigrasi Labuan menahan enam wanita Pedatang tanpa Izin (PATI) dalam satu operasi yang dijalankan di sebuah buah restoran di pusat bandar pada Jumaat lalu.

Pengarah Jabatan Imigresen Labuan Asani Ladjani berkata, daripada jumlah yang ditahan itu, lima merupakan wanita warga Filipina dan seorang lagi warga Indonesia yang berumur antara 20 hingga 45 tahun.

"Imigresen telah melakukan operasi yang ditumpukan terhadap sebuah restoran dan seramai 13 orang berjaya diperiksa dan daripada jumlah itu enam orang wanita didapati bekerja tanpa mempunyai dokumen perjalanan yang sah," katanya dalam satu kenyataan di sini kelmarin.

Beliau berkata, kesemua mereka ditahan mengikut Seksyen 6(1) (c) dan Peraturan 39(b), Akta Imigresen 1959/63.

Jelas beliau, majikan restoran tersebut telah disoal siasat di bawah Seksyen 55B Akta yang sama kerana didapati mengaji pekerja asing tanpa sebarang dokumen pengenalan diri yang sah.

Operasi tersebut dilakukan oleh enam pegawai dan penguatkuasa yang diketuai oleh Timbalan Penolong Pengarah Imigresen Labuan, Ahmad Ismail Sazali.

Asani berkata, kesemua mereka yang ditahan telah dibebaskan dengan jaminan polis.